


武鄉縣志



武鄉縣志序

今世仕者令爲難蓋
令秩卑而近民秩卑
則上之層累而制之
者旣多所拘牽而不

武鄉縣志序

一

得以行其道近民則
下之屬望而求之者
復嗜欲異情而不能
盡愜其隱令處其間
齟齬於上下之際方

奉公救過之不暇奚
暇留心簡冊徵文考
獻輯爲成篇以告將
來也者夫治莫大於
風而俗吏忽焉風也

者彰往而訓今者也
閱古今之得失驗行
事之成敗稽風俗之
淳澆審政治之條貫
爲之變通鼓舞以盡

其用昔之所留今人
得而鑒之今之所垂
後人復得而鑒之若
是者凡以風之而已
令誠留心簡冊昭示

來茲是風之也可謂
知治本矣武鄉爲沁
州屬邑石勒產於其
鄉在昔勒僭號天王
或亦一時雄區然其

地山川險阻道路崎
嶇童山石田踞其七
八可耕者才二三土
磽确而民貧山右下
邑也遼陽中含高君

作令於茲九年且久
政通人和暇則與其
邑之士夫父老登臨
觴詠講論往昔抵掌
留連旣詳且確矣爰

取舊志躬爲校讐闕
疑存信增刪損益莫
不意匠經營良工獨
苦旣刊成書問序於
予予讀之見其有規

模宏遠之志焉有憂
深思遠之慮焉有徹
桑衣禡之戒焉有痼
瘵之隱焉有勸懲之
微焉其旨遠其詞文

其事核而該其意約
而中噫君之留心可
謂勤矣於是爲知治
本矣抑嘗論之士之
服古入官文章經濟

豈有二道哉出之於
手與口而爲文章者
措之施行則爲經濟
今觀高君蓋聞道者
文章經濟左宜右有

異日其卽以治武鄉
之理推而治天下也
可知已高君勉乎哉
坐而言之起而行之
吾將拭目俟焉又豈

彈丸之百里可羈其
驥足也耶吾旣樂其
書之成而又卜高君
之足以有爲也因論
序其簡端以復之

晉

康熙三十有一年歲
次壬申十月既望山
西督學使者北海年
家第胥琬拜謨



重修武鄉縣志序
郡縣之志所以佐國
史者也古者太史韜
軒以觀民風採其事
以上之天子天子命

其臣書之方策垂示
後世厥典重矣周衰
諸侯各自爲史秦廢
封建立郡縣漢唐因
之而郡縣始有志每

當國家修史時必博
徵天下之志以考同
異叅得失故曰所以
佐史也願史畧而志
詳史嚴而志寬史有

武鄉縣志序

十

專職而志無專官方
今

聖明御宇率土皆臣往歲
勅命儒臣纂修一統全志
甚盛典也武鄉雖僻

陋要爲股肱近地
不敏承乏茲邦八年
餘矣夙夜兢兢恒以
不稱厥職負

天子愛養元元之意是懼

獨念此邑自三廢三
建來頻經喪亂自明
以前從無專志遙始
作志者自永年張公
五美其時爲明之萬

曆再作志者爲李公
芳莎與張公同里其
時爲

本朝順治之乙酉自乙
酉至今四十餘年夫

此四十餘年中天時
之盈虛人事之盛衰
物產之榮謝更變不
知凡幾自非重加纂
輯一旦

天子搜羅舊聞將何以應
三十一年春特延邑
生魏名振趙鐸竇飛
龍李嘉賓李光春史
昭關鍵李勵武九鄉

趙之相程康烏太學
生崔懷璽等採訪遺
事彙繳於銜吏治之
暇進退筆削幾於廢
寢忘食閱三月而告

竣前列凡例三十二
條後分門類四十條
而每類有總叙有總
論人物則尤加意故
一人有一傳一傳必

有一論至後復繫以
總論然猶恐朴陋無
文貽笑士林適雲間
宋子雨臣名蒼霖瞿
子又陶名潛者館於

荒署因而互訂是非
庶免訛舛夫昔人修
志往往假手本邑紳
士而本邑紳士則未
免易於取怨倘畏怨

武鄉縣志序

去

而少爲通融難成信
史鉞旣重其事因曲
諒紳士所以獨任而
不辭異日者輜軒所
至省方問俗或可藉

以少補云爾時

大清康熙三十一年歲

次壬申四月穀旦文

林郎山西沁州武鄉

縣知縣加一級三韓

武鄉縣志序

十六

高 鋌題於武鄉署
之慎獨堂

